

別行篇 補充講義（九月一日）

《印光大師文鈔／書信》：「念佛人有病，當一心待死，若世壽未盡，則能速愈。以全身放下念佛，最能消業，業消則病愈矣。若不放下，欲求好，倘不能好，則決定無由往生，以不願生故」

《四分律刪繁補闕行事鈔》卷3：「以凡生貪染，見本房內衣鉢眾具，多生戀著無心厭背，故制令至別處。」

《中天竺舍衛國祇洹寺圖經》卷2：「頗黎鐘者在無常堂四隅。：是病比丘聞於鐘聲。不失本心得生善道。：音中亦說『諸行無常，是生滅法，生滅滅已，寂滅為樂』。病僧聞音，苦惱即除，得清涼樂。如入三禪垂生淨土。」

《四分律行事鈔資持記》卷3：「出別堂所以。今號延壽（如意）。豈非相反。專心念法者。由非舊處。無心戀著。但念無常，必思勝法故也。」

《眾經撰雜譬喻》卷1：「昔有沙門行草間，有大蛇言：『和尚道人。』道人驚，左右視之。蛇言：『道人！莫恐莫怖，願為我說經，令我脫此罪身。』蛇曰：『道人！聞有阿耨達王不？』答曰：『聞！』蛇曰：『我是也！』道人言：『阿耨達王立佛塔寺供養功德巍巍，當生天上，何緣乃爾也？』蛇言：『我臨命終時，邊人持扇墮我面上，令我瞋恚，受是蛇身。』道人即為說經，一心樂聽不食七日，命過生天。」

《俱舍論記》卷30〈9 破執我品〉：「一、重業者今先受果。譬如負債強者先牽。二、近起者今先受果。如將命終，遇善惡友，生善惡趣。三、數習者今先受果，如一生來偏習此業。」

《成佛之道》（Y 12p70）：「隨業報善惡，五趣常流轉，隨重或隨習，或復隨憶念，由業往後有，薪盡火相傳。」

《瑜伽師地論》卷1：「善心死時安樂而死。將欲終時無極苦受逼迫於身。惡心死時苦惱而死。將命終時極重苦受逼迫於身。又善心死者見不亂色相。不善心死者見亂色相。」

《阿彌陀經疏鈔》卷1：「唐張善和。屠牛為業。臨終。見羣牛索命。於是大怖。喚其妻云。速延僧為我念佛。僧至。諭云。經中說臨終惡相現者。至心念佛。即得往生。和云。地獄至。急取香鑪來。即以右手擎火。左手拈香。面西專切念佛。未滿十聲。自言佛來迎我。即化去。」

《阿彌陀經要解》卷1：「問臨終佛現寧保非魔？答修心之人不作佛觀而佛忽現。非本所期故名魔事。念佛見佛已是相應。況在臨終非致魔時。何須疑慮。」

《印光大師全集／印祖文鈔續編／雜著／臨終三大要》：「第一、善巧開導安慰，令生正信。第二、大家換班念佛，以助淨念。第三、切戒搬動哭泣，以防誤事。」